

ՎՐԱՍՏԱՆԻ ԱՐՎԵՍՏԱԳԻՏԱԿԱՆ ՀԱՅ ՄԱՄՈՒԼԸ
(1921—1941)

Վ. Ս. ՄԱՂԱԿՅԱՆ

Վրաստանի հայ մամուլի էջերում վայն տեղ է զբաղեցրել արվեստի դանազան ճյուղերի զարգացման հետ առնչվող խնդիրների քննարկումը: Հանրապետական ու երկրամասային «Կարմիր աստղ», «Մարտակոչ», «Պրոլետար» և «Խորհրդային Վրաստան» օրաթերթերն ու մյուս պարբերականները 1920—1930-ական թվականներին արժարժեք են թատրոնի, կինոյի, կերպարվեստի, երաժշտության ու փերառական արվեստի հրատապ հարցերը, հայ արվեստագիտությունը բարձրացրել նոր աստիճանի:

Արվեստի խնդիրների այդպիսի լայնածավալ քննարկման համար Թիֆլիսում կային հիմնավոր նախադրյալներ: Այնտեղ դեռևս անցյալ դարավերջին սկզբնավորվել էր դեղագիտական մամուլ: 1880 թ. մինչև 1919 թ. լույս էր տեսնում «Տարազ» հանդեսը, որից մեկ տասնամյակ անց՝ 1893 թ., սկսում է հրատարակվել «Թատրոնը»¹: Այնուհետև լույս են տեսնում «Հուշարար» (1907—1909) ամսագիրը, «Գեղագիտական» (1907—1912) ամսաթերթը և այլն: Սակայն դրանցից և ոչ մեկը զուտ արվեստագիտական պարբերական չի եղել: Պարզապես այդ պարբերականները լուսաբանել են դեղագիտության առնչվող տարբեր խնդիրներ՝ կապված երաժշտության, ճարտարապետության, թատերական արվեստի և արվեստագիտության այլ ճյուղերի հետ: Այդ բանը նկատի ունենալով էլ ժամանակի գեղագետ մտավորականությունը մտածում էր ստեղծել արվեստագիտության խնդիրներ արժարժող մի լուրջ պարբերական, մանավանդ որ հայ մամուլի պատմությունն ուներ նման հանդես ստեղծելու շուրջ կեսդարյա փորձ²: Եվ այն եղավ Գարեգին Լևոնյանի հիմնադրած «Գեղարվեստը», որի առաջին համարը լույս տեսավ Թիֆլիսում, 1908 թ. մարտին և անկանոն պարբերականությամբ հրատարակվեց մինչև խորհրդային կարգերի հաստատումը Վրաստանում³:

¹ «Թատրոնը» տպագրվել է մինչև 1905 թ.:

² Արվեստագիտական խնդիրներ շուրջիդ հայ առաջին պարբերականը եղել է «Մուսայր Մասյաց» հանդեսը, որը հրատարակվել է Կոստանդնուպոլսում, 1857-ին: Նրան հաջորդել են «Քնար Հայկական» (Կ. Պոլիս, 1861), «Հավերժահարս» (Զմյուռնիա, 1862), «Օսմանյան երաժշտություն» (Կ. Պոլիս, 1863), «Արաքս» (Պետերբուրգ, 1887), «Անահիտ» (Փարիզ, 1898—1949, ընդատումներով), «Գեղունի» (Վենետիկ, 1901—1910), «Բանբեր գրականության և արվեստի» (Պետերբուրգ, 1903—1904), «Կուռնի» (Փարիզ, 1904—1905) և այլ պարբերականներ:

³ Արվեստագիտական հանդեսի հրատարակության միտքը Գ. Լևոնյանը հղացել է դեռ անցյալ դարի վերջերին՝ Պետերբուրգում ուսանելու տարիներին: Հետագայում, 1905-ին, Կոմիտասի հետ էլքմիածնում նա նախաձեռնում է իրականացնել իր վաղեմի երազանքը, բայց դրական արդյունքի չի հասնում: Շուտով Գ. Լևոնյանը էլքմիածնից տեղափոխվում է Թիֆլիս, սրտեղ և նրան հաջողվում է ստանալ «Գեղարվեստի» հրատարակության թույլտվությունը: Առաջին տարում (1908) տպագրվել է երկու համար, 1909-ին՝ 3-րդը, 1911-ին՝ 4-րդը, 1913-ին՝ 5-րդը, 1917-ին՝ 6-րդը: Միայն թե 5-րդ համարը լույս է տեսել: Վենետիկում և կոչվել է «Արտասահմանյան բացառիկ թիվ № 1»:

Գ. Լևոնյանը նպատակ է ունենել նաև այդպիսի մի «Արտասահմանյան բացառիկ» համար էլ հրատարակել Ամերիկայում: Բայց այդ ծրագիրը չի կարողացել իրականացնել:

«Գեղարվեստի» վերջին՝ 7-րդ գիրքը⁴ լույս է տեսել Թիֆլիսում 1921 թ. վերջերին⁵։ Սակայն հայտնի է, որ Գ. Լևոնյանը ցանկոթյուն է ունեցել հանդեսի այդ համարը հրատարակված տեսնել 1919 թ. դարձանը⁶։ Նա այդ առթիվ հավաստի ոչինչ չի ասում, այլ միայն «Գեղարվեստի» 6-րդ համարի վերջին էջում ծանուցում է այն մասին, որ խմբագրվում է 7-րդ գիրքը⁷։

«Գեղարվեստի» 7-րդ գիրքը, ինչպես տեսանք, լույս է տեսել Վրաստանում խորհրդային պարզեր հաստատվելուց հետո, երբ արդեն պետականացվել էին մասնավոր բոլոր հրատարակչությունները, թուղթն ու տպարանները։ Գ. Լևոնյանն այդ ժամանակ արդեն հանդես էր գալիս միայն որպես խմբագիր։ Սակայն երբ ավարտվում էր «Գեղարվեստի» նշված համարի տպագրությունը, Վրաստանի խորհրդային կառավարությունը 1921 թ. նոյեմբերի 27-ի № 80 դեկրետով դարձյալ ազատություն է տալիս մասնավոր հրատարակչություններին, և այդպիսով «Գեղարվեստի» տնօրինությունը նորից անցնում է նրա հիմնադրի՝ Գ. Լևոնյանի ձեռքը։ Բայց արդեն ուշ էր, և նա ոչինչ չի վարողանում ավելացնել տպագրվող համարի մեջ։ Նույնիսկ վրան չի նշվում տպագրության տարին։ Սակայն, ընայած դրան, 7-րդ գրքի ընդհանուր ոգին ցույց է տալիս, որ հաստատուն ավանդույթներ ունեցող «Գեղարվեստը» միտում ունի դառնալու խորհրդահայ անդրանիկ արվեստագիտական հանդեսը։ Եվ, փրոք, հանդեսի 7-րդ գրքի լույս ընծայումը խոշոր երևույթ էր Վրաստանի գրական-մշակութային կյանքում։ Այն փաստորեն ոչ միայն Վրաստանի, այլև Անդրկովկասի խորհրդահայ առաջին գեղագիտական պարբերականն էր։ Դրանով էլ սկսվում է խորհրդահայ պարբերականիցսկային հրատարակչությունների պատմությունը։ «Գեղարվեստի» այդ համարի լույս ընծայումը հուշեց, որ հայ արվեստը չի կարող զարգանալ առանց հատուկ արվեստագիտական պարբերական ունենալու։

«Գեղարվեստը» սոսկ արվեստագիտական հանդես չի եղել։ Նրա էջերում զետեղվել են արվեստի ու գրականության, նկարչության ու ճարտարապետության, թատրոնի ու երաժշտության մասին հոդվածներ, տպագրվել են հայ դասական գրողների երկերը, թարգմանական էջեր, կատարվել են հայ և համալսարանային մեծանուն նկարիչների ու քանդակագործների ստեղծագործությունների վերատպություններ և այլն։ Այսպիսի լայնածավալ ու բազմաճյուղ հանդես էր «Գեղարվեստը», որն ազդել է մի քանի սերնդի գեղագիտական դաստիարակության վրա։ «Գեղարվեստի» մատին գրվել են առանձին մենագրություններ ու հոդվածներ, այն ըստ արժանվույն գնահատել են հայ բանասերներն ու արվեստաբանները⁸։ Տանք նրա վերջին համարի ընդհանուր բնութագրությունը այնքանով, որքանով այնտեղ արժարժված փնդիր-

4 «Գեղարվեստի» 7-րդ համարն ունի Երական, գեղարվեստական, երաժշտական պատկերազարդ հանդեսն ենթանվանումը։ Խմբագիր-հրատարակիչ՝ Գարեգին Լևոնյան։ Մավալը՝ 108 էջ, լաիսը՝ 32×23 սմ, տպաքանակը՝ 1400, տպարան՝ Սովնարխոգի։ Հանդեսի այդ համարի տիտղոսաթերթին վրացերեն նշված է՝ «Տպագրություն Վրաստանի կենտրոնական պետական հրատարակչության»։

5 Թ. Լ. Գալստյանը «Գարեգին Լևոնյանը և «Գեղարվեստ» հանդեսը» (Երևան, 1979) մենագրության մեջ (տե՛ս էջ 103, 112) նշում է, որ «Գեղարվեստի» 7-րդ համարը լույս է տեսել 1922 թ., որը չի համապատասխանում իրականությանը։ Գ. Լևոնյանը իր «Հայոց պարբերական մամուլը» լիակատար ցուցակում (Երևան, 1934, էջ 53, № 417) նշում է, որ «Գեղարվեստի» վերջին՝ 7-րդ գիրքը տպագրվել է 1921 թ.։ Պետք է հավատալ հանդեսի խմբագրին։

6 Տե՛ս Թ. Լ. Գալստյան, նշվ. աշխ., Ս. Հարությունյան, Գարեգին Լևոնյան (Պատմա-բանասիրական հանդես, 1971, № 3), Ս. Թ. Թ. Գալստյան, Գարեգին Լևոնյանի էսթետիկայի մի քանի հարցերի մասին (էսթետիկայի հարցեր, Երևան, 1972), նույնի՝ էսթետիկայի հարցերը «Գեղարվեստ» ամսագրում (Սովետական գրականություն, 1973, № 3), ինչպես նաև Գ. Լևոնյանի «Նշաններ» (Երևան, 1959) և «Երկեր» (Երևան, 1963) գրքերի առաջաբանները՝ Ա. Ինճիկյանի և Շ. Գրիգորյանի հեղինակությամբ, և այլն։

ները իրենց շոշափելի դերն են ունեցել խորհրդահայ արվեստի կազմավորման ու զարգացման համար:

«Գեղարվեստի» վերջին գիրքը, նախորդների համեմատությամբ, ծավալավորի փոքր է, սակայն նրա բովանդակությունը նախկին համարների նման հարուստ է, պահպանված են նախորդ հատորներում եղած գրեթե բոլոր բաժինները՝ «Գեղարվեստի տեսականը», «Գեղարվեստի պատմականը», «Գեղարվեստի գրականը», «Պատկերահանդես»: Այս համարը նախապես պայանադրված է եղել հրատարակել ծավալուն, ոլոր երևում է խմբագրության կողմից տրված ծանուցումից: Այնտեղ ասված է. «Խմբագրությունը ներողություն է խնդրում «Գեղարվեստի» այն աշխատակիցներից, որոնց նյութերը ընդունված էին այս գրքի համար, բայց, հակառակ փոր ցանկության, հանդեսի ծավալը հանկարծակի թեթևացնելու նպատակով, մնացին դուրսը»: «Գեղարվեստի» ծավալը «թեթևացվել» է խորհրդային իշխանության հաստատումից հետո ստեղծված ֆինանսական դժվարությունների, թղթի ու տպագրատեխնիկական միջոցների պակասի հետևանքով: Այդ են վկայում նաև հանդեսի այդ համարի ցածրորակ տպագրությունը, վատորակ թուղթը և այլն:

Սակայն, շնայած դրան, «Գեղարվեստի» այդ համարը ընդգրկում է արվեստի ու գրականության գրեթե բոլոր ճյուղերը, որոնք են՝ կերպարվեստ (գեղանկարչություն, մանրանկարչություն, քանդակագործություն), ճարտարապետություն, երաժշտություն, թատրոն, պարարվեստ, գրականություն (արձակ, քնարերգություն, դրամատուրգիա), գրաքննադատություն: Նրանում տպագրված են փիլիսոփայական-գեղագիտական տեսական հոդվածներ և ուսումնասիրություններ: Դեռ այսօր էլ գիտական արժեք ու մեծ հետաքրքրություն ունեն այդ համարում տպագրված Գ. Լևոնյանի «Ներածություն հայոց գեղարվեստի պատմության», «Գեղեցիկի պաշտամունքը», «Ի՞նչ է գեղագիտությունը (ըստ է. Վերմերի)», Լ. Մեփրեան-Բեկի «Հայերը վրաց հին գրականության մեջ», Գ. Թումանյանի «Հայերը վրաց նոր գրականության մեջ» մեծարժեք հոդվածները: Առանձին ուսումնասիրություն է նվիրված իսլամական նկարչությանը:

Առավել հարուստ է հանդեսի գրական բաժինը: Այստեղ իրենց արձակ ու շափածո գործերով հանդես են եկել հայ դասական գրողներ Ալ. Շիրվանզադեն, Հովհ. Թումանյանը, Ավ. Իսահակյանը, Վ. Տերյանը, Դ. Վարուժանը, Ա. Չոպանյանը, Ե. Չարենցը, Դ. Դեմիրճյանը: Տպագրված է նաև Նար-Դոսի «Հենակներով մարդը» մեկ գործողությամբ դրաման: Համարում ներկայացված են պրոլետարական գրողներ Հ. Հակոբյանն ու Շ. Կուրդիբեյանը: Այնտեղ տպագրված են նաև Ա. Մոճուկյանի, Գ. Մելոյանի, Վ. Առաքյանի, Լ. Հազարապետյանի, Ա. Տիգրանյանի, Լեյլիի, Պահարեի, Լեոնենցի, Ա. Չարենցի, Ե. Ստամբուլյանի և Կարա-Դարվիշի ստեղծագործությունները:

Բարձր ճաշակով են ընտրված «Պատկերահանդես» բաժնի գեղարվեստական կտավները և գրաֆիկական գործերը: Ներկայացված են Գ. Բաշինջաղյանի, Ե. Թադևոսյանի, Վ. Գալֆեճյանի, Գ. Տեր-Միքայելի, Ա. Շահմալյանի, Գ. Օթրոյանի, Ս. Խաչատրյանի, Վ. Շարբաբյանի, Տարագրոսի և ուրիշների վրձնի ու գույնի աշխատանքները:

«Գեղարվեստի» 7-րդ համարի լույս ընծայումից երկու տարի հետո Գ. Լևոնյանը ձեռնամուխ է լինում հանդեսի 8-րդ և 9-րդ գրքերի հրատարակությանը: «Մարտակոչ» թերթի 1923 թ. հունիսի 24-ի համարի հարտարությունների բաժնում ծանուցվում է, որ վերսկսվում է «Գեղարվեստի» հրատարակությունը: Հայտարարության մեջ տրված են նույնիսկ բաժանորդագրության պայմանները: Նույն հայտարարությունը տպագրվել է մի անգամ ևս, դարձյալ «Մարտակոչում», նույն թվականի հուլիսի 9-ի համարում:

Սակայն «Գեղարվեստի» հրատարակությունն այդպես էլ թիֆլիսում չի շարունակվում:

Գ. Լևոնյանը 1925 թ. վերջերին, Թիֆլիսից տեղափոխվելով Երևան, ղարձյալ ձեռնամուխ է լինում հրատարակելու «Գեղարվեստի» 8-րդ գիրքը: Կազմակերպում է խմբագրություն՝ խմբկոլով ու աշխատակիցներով: Ի մի են բերվում նախորդ համարներից դուրս մնացած և շարունակաբար տպագրվող աշխատությունները, որոնք դեռևս չէին ավարտվել: Գ. Լևոնյանը խմբագրության անունից ծանուցում է ուղարկում մի խումբ արվեստագետ հեղինակների, գրողների՝ առաջարկելով աշխատակցել «Գեղարվեստի»:

Սովետիզացիայի համարում բերել այդ ծանուցման տեքստն ամբողջությամբ. «Գեղարվեստի» 8-րդ գիրքը հրատարակության է հանձնվելու առաջիկա դեկտեմբերի սկզբին, Երևանում, և շքեղ հրատարակությամբ լույս պիտի տեսնի 1926 թ. ապրիլին: «Գեղարվեստի» այս գիրքը բովանդակելու է նյութեր բացառապես Կովկասյան ազգերի և Մոսկվայի արևելքի ժողովուրդների կյանքին և մտավոր մշակույթին՝ վերաբերող: Խմբագրությունը ուրախ պիտի լինի Ձեր աշխատակցությանը «Գեղարվեստի» այս բացառիկ համարում, խնդրելով միաժամանակ նյութ ուղարկելու դեպքում աչքի առաջ ունենալ վերահիշյալ ժամանակը, ոչ ավելի ուշ, քան մի ամիս»:

Գ. Լևոնյանը 1925—1926 թթ. ծանուցումներ է ուղարկել Երևանում, Թիֆլիսում և այլուր բնակվող հեղինակներին, փնչպես նաև Դոստին, Մարտիրոս Սարյանին, Գարեգին Հովսեփյանին, Մարգար Ավետիսյանին և շատ ուրիշներին: Սակայն որոշ դժվարությունների և թղթի պակասի պատճառով ձգձգվում է հիշյալ համարի տպագրությունը: Դրան էլ ավելանում է հայոց լեզվի մեջ այդ ժամանակ ուղղագրական բարեփոխումներ կատարվելու հարցը, և Գ. Լևոնյանը որոշում է սպասել ու «Գեղարվեստի» հերթական գիրքը հրատարակել ուղղագրության նոր կանոններով: Նոր ուղղագրությունը շուտով սկսում է գործել, սակայն, ցավոք սրտի, հանդեսի 8-րդ համարն այդպես էլ լույս աշխարհ չի գալիս: 1932-ին Երևանում հիմնադրվում է «Սոցիալ-հրդային արվեստ» հանդեսը, որը շարունակելու է գալիս հանրահայտ «Գեղարվեստի» և հարստացնելու նրա ավանդույթները:

Ութսունները տարի է անցել «Գեղարվեստ» հանդեսի անդրանիկ համարի լույս ընծայումից և ուղիղ յոթանասուն՝ նրա վերջին գրքի տպագրությունից: Այդ ընթացքում Հայաստանում, փնչպես նաև Սփյուռքում հիմնադրվել են մի շարք արվեստագիտական պարբերականներ, լույս են տեսել հայրենաբնակից հայ նորագույն տարեգրքեր ու ժողովածուներ, որոնք հարստացրել են հայ նորագույն և սփյուռքահայ մամուլի պատմությունը: Սակայն «Գեղարվեստի» հրատարակված յոթ գրքերը այսօր էլ չեն կորցրել իրենց գեղագիտական արժեքը և արվեստագիտության հարցերով դառնում են շատ անհրաժեշտ ձեռնարկներ համար դարձյալ մնում են գեղեցիկ ընկալելու, նրա հիմունքներին ծանոթանալու չգերազանցված օրինակներ:

Սոցիալ-հրդային իրականության մեջ արվեստագիտական պարբերական ստեղծելու ճանապարհին կարևոր փորձ պետք է համարել «Սոցիալ-հրդային արվեստ» հանդեսի հայտարարված առաջին միասնական համարի լույս ընծայումը Թիֆլիսում, 1926 թ. 2. Ֆեբրվարի դեղին, և 1926 թ. մարտ-մայիս ամիսներին «Սոցիալ-հրդային Հայաստան» թերթի հրատարակում էր երկշաբաթյա մի հավելված (8 էջանոց), որը արվեստի, գեղանկարչության, լուսանկարչության և լուսանկարչության հայ մամուլի պատմություն էր: Մասնավորապես ընդունվելով այս կարծիքը, նշենք, որ Սոցիալ-հրդային իրականության մեջ լույս տե-

8 Ծ. Զարենցի անվան գրականության և արվեստի թանգարան, Գարեգին Լևոնյանի ֆոնդ, № 1183, փնչպես նաև հետագա՝ 1185, 1193, 1194 թվակիր նյութերն ու նամակները, Այս մասին ահա նաև Թ. Հ. Գալստյան, նշվ. աշխ., էջ 111:

9 Հ. Հ. Ֆելեքյան, Հայաստանի պարբերական մամուլը սոցիալիզմի կառուցման պայ-
հարում, Երևան, 1970, էջ 499.

ստե՛հ հայերեն արվեստագիտական պարբերականի նախատիպը կարելի է համարել «Խելովներա-Արվեստ» ամսագրի 1926 թ. փետրվարյան այդ միակ համարը:

Վրաստանի գեղարվեստի աշխատողների միության «Խելովներա» («Արվեստ») հանդեսը հիմնադրվել է 1924 թ., որի խմբագիրն էր Սանդրո Էուլին (Քուրիձե): Այն շոշափում էր միայն արվեստաբանական հարցեր: Տպագրվում էր վրացերեն, սակայն անդրադառնում էր նաև հայ մշակույթի խնդիրներին, թատերաստականներ ու այլ նյութեր էր զետեղում թիֆլիսահայ մշակութային կյանքից, մեղադրական ցուցահանդեսներից, թատերական ներկայացումներից, առանձին արվեստագետների ու դերասանների մասին յուրաքանչյուր հաղորդումներ:

«Խելովներա» հանդեսի 1926 թ. փետրվար ամսվա 25-րդ համարը հոբելյանական է, որն ամբողջությամբ նվիրված էր Վրաստանի գեղարվեստի աշխատողների միության ստեղծման 5-րդ տարեդարձին և հրավիրվելիք VI համագումարին: Այդ համարը տպագրվել է երկու լեզվով՝ հայերեն և վրացերեն: Ինչպես երևում է հայերեն տարբերակի առաջնորդողից, նրա՝ որպես ինքնուրույն հայերեն հանդեսի լույս ընծայումը պետք է շարունակվեր: Սակայն ինչ-ինչ պատճառներով այդ համարի տպագրությունից հետո նրա հրատարակությունը չի շարունակվել:

«Խելովներա-Արվեստ» հանդեսի հիշյալ հայերեն տարբերակն ունի շքեղ նկարազարդումներ: Նրա խմբագիրն էր Պահաբեն (Հայկ Պետրոսյան), իսկ վրացերեն տարբերակինը՝ Սանդրո Քուրիձեն¹⁰:

Հանդեսի «Խելովներա» հայատառ վրացերեն վերնագրի տակ թարգմանաբար տրված է նաև «Արվեստ» հայերեն գլխագիրը, որի տակ՝ «Ամսաթիվը Վրաստանի գեղարվեստի աշխատողների միության» ենթանվանումը: Այն վրացերենի կրկնօրինակը չէ, այլ առանձին ինքնուրույն հանդես է, որն ունի իր արծարծած հարցերի շրջանակները:

«Խելովներա-Արվեստ» հանդեսի առջև ծառացած խնդիրների մասին նրա խմբագիր Ս. Քուրիձեն «Մեր միության հնգամյակը և վեցերորդ համագումարը» վերտառությամբ առաջնորդողում գրում է. «Մեր հանդեսի խնդիրները որոշ են. բայց այն, որ նա յուսադանում է մեր միության պրոֆեսիոնալ հարցերը, ծառայում է նաև արվեստի ընդհանուր ճյուղերին Վրաստանում: Մեր հանդեսը չի վարող պատկանել որևէ խմբակցության կամ ուղղության: Նա, որպես միության օրգան, պետք է պատկանի արվեստի տեսակներին: Եվ ապագայում էլ մեր հանդեսը պետք է շարունակի իր ուղին, նպատակ դնելով արվեստը դարձնել աշխատավորության գործը, մտեցնել մասսաներին և դեկլարել նրանց պոետությունն ու ստեղծագործական աշխատանքները»¹¹: Հեղինակը նշում է նաև, որ միության ամենակարևոր խնդիրներից մեկը պետք է լինի ազգային փոքրամասնությունների արվեստներին մեծ ուղարկություն դարձնելը: Նա իր մեկ այլ՝ «Աշխատանքի հինգ տարին» վերտառությամբ

¹⁰ «Խելովներա-Արվեստ» ունի «Ամսաթիվը Վրաստանի գեղարվեստի աշխատողների միության» ենթանվանումը: Մովալը՝ 20 էջ է, լափսը՝ 31×24 սմ: Տպաքանակը՝ 500: Այս հանդեսը ներկայումս էլ շարունակվում է հրատարակվել վրացերեն՝ որպես Վրաստանի մշակութային նախարարության օրգան:

«Խելովներա-Արվեստ» հանդեսը թե՛ Գ. Լևոնյանի «Հայոց պարբերական մամուլը» մատենագիտության մեջ (տե՛ս էջ 132, № 1202) և թե՛ Ա. Կիրակոսյանի «Հայ պարբերական մամուլի մատենագիտություն» (տե՛ս էջ 300, № 1984) ներկայացված է որպես վրացերեն ամսագիր և նրանում, իբր, հայերեն նյութերը կազմում են առանձին բաժին, որը ճիշտ չէ: Ինչպես տեսանք, ամսագրի հայերեն տարբերակը լույս է տեսել առանձին համարով: Գ. Լևոնյանի մատենագիտական ցուցակում աղավաղված է ներկայացված նաև խմբագրի ազգանունը՝ Ս. Կուլիկ (տե՛ս Գ. Լևոնյան, Հայոց պարբերական մամուլը), որը նույնությամբ փոխանցվել է նաև Ա. Կիրակոսյանի մատենագիտության մեջ:

¹¹ Խելովներա-Արվեստ, 1926, № 25, էջ 4:

հոգրվածում ընդգծում է, որ արվեստի խնդիրը ոչ թե մասսաներին միայն զբաղեցնելն է, այլ նրանց դաստիարակելն ու կազմակերպելը:

«Նեկուվներան» մինչև վերջ էլ ծառայում է այդ նպատակին: Նրա հայերեն տարբերակի հրատարակությունը ևս նպատակամղված է այդ ծրագրի իրականացմանը և կոչված է աշխուժացնելու հայ մշակութային կյանքը Վրաստանում: Այդ համարի լույս ընծայումը զուգադիպում է հանդեսի ստեղծման տարեդարձին և Վրաստանի գեղարվեստի աշխատողների միության ստեղծման 5-ամյակին:

Հանդեսի այդ համարի էջերում լայնորեն քննարկվում է Վրաստանի արվեստի աշխատողների գործունեությունը անդամ հինգ տարիների ընթացքում, ցույց է տրվում նաև, թե հանրապետության գեղարվեստի գործիչները ինչպիսի նվաճումներով են դիմավորում իրենց VI համագումարը:

«Նեկուվներա-Արվեստում» մի շարք արժեքավոր նյութեր ու լուսանկարներ են տպագրված Թիֆլիսի թատերական հարուստ կյանքի վերաբերյալ: «Հարկական թատրոնը Թիֆլիսում Վրաստանի խորհրդայնացումից հետո» և «Ռուսական թատրոնը Թիֆլիսում» հոդվածները¹² արժեքավոր շատ տեղեկություններ են պարունակում 1920-ական թվականների Թիֆլիսի հայկական, վրացական և ռուսական թատրոնների ու դրանց անվանի գործիչների մասին, տալիս են մշակութային այդ կարևոր օջախների ստեղծագործական կայքերի պատմությունը, նրանց զարգացման հեռանկարները: Առաջին հոդվածը ամբողջական պատկերացում է տալիս Վրաստանի խորհրդահայ թատրոնի առաջին հնգամյակի (1921—1926) գործունեության մասին, վերլուծում է նրա կարևոր ներկայացումները, ցույց տալիս, թե ինչպես այն աստիճանաբար լիարժեք տեղ է գրավում ոչ միայն վրացահայ, այլև ողջ խորհրդահայ թատերական կյանքում: Հոդվածում բնութագրված է նաև հայականավոր թատերական գործիչներ Լ. Քալանթարի, Ա. Գուլակյանի, Ստ. Քափանակյանի, Ի.ս. Ալիխանյանի և ուրիշների բնական գործունեությունը:

Հայ մեծ դրամատուրգ Գ. Սունդուկյանի ծննդյան 100-ամյակին է նվիրված Հ. Սուրխաթյանի հոդվածը, որտեղ զետեղված են նաև մեծ դրամատուրգի լուսանկարները: Հոդվածի հեղինակը դրամատուրգի Այսանքից ու գործունեությունից վերցրած մի շարք փաստերի և նրա ստեղծագործությունների նորովի վերլուծությամբ վեր է հանում հայ ռեալիստական դրամատուրգիայի հիմնադրի այն հսկայական դերը, որ նա կատարել է Թիֆլիսի գրական-թատերական կյանքում:

«Նեկուվներա-Արվեստը» «Մեր հոբելյարները» բաժնում նշել է նաև Արմեն Արմենյանի, Իսահակ Ալիխանյանի թատերական գործունեության 30-ամյակը, Գ. Տեր-Դավթյանի, Օլգա Գուլազյանի՝ 25, Հ. Տեր-Դավթյանի՝ 60: «Մեր կորուստները» բաժնում տպագրվել են Արամ Վրուլյի, Տիկին Զաբեի և Մացակ Տեր-Առաքելյանի հիշատակներին նվիրված մահախոսականները, որոնցում արժեքավորված է նրանց վաստակը հայ արվեստի ու թատրոնի զարգացման գործում: Վրաստանի խորհրդահայ թատրոնի 1920-ական թվականների առաջին կեսի պատմությունը ամբողջացնում են հանդեսում տպագրված մյուս նյութերը, որոնց թիվն անցնում է մեկուկես տասնյակից: Բոլոր այդ նյութերն ուղեկցված են արժեքավոր լուսանկարներով, վիճակադրական՝ տվյալներով, ծանոթագրություններով, որոնք ավելի են քարձրացնում հանդեսի ճանաչողական ու գիտական նշանակությունը: Հիշատակելի է Թիֆլիսի ակադեմիական պետհայդրամայի 1925—1926 թթ. թատերաշրջանի ամբողջ անձնակազմի խմբակային լուսանկարը, որը լիարժեք պատկերացում է տալիս վրացահայ թատրոնի գերազանց ուժերի մասին:

«Նեկուվներա-Արվեստ» հանդեսը Գ. Լևոնյանի «Գեղարվեստի» վերջին՝ 7-րդ գրքից հետո խորհրդային կարգերի օրոք Թիֆլիսում լույս տեսած արվեստագիտական առաջին լուրջ պարբերականն էր: Չնայած լույս է տեսել

¹² Առաջին հոդվածը ստորագրված է Մ. Խ. Խակոբյանի, իսկ երկրորդը՝ Ա. Լևոնյանի:

«Խելով ներա-Արվեստի» հայերեն միայն մեկ համար, այդուհանդերձ զգալի է նրա գերը վրացահալ մշակութային-թատերական պլանքում: Այն իր ուրույն տեղն ունի ոչ միայն վրացահալ, այլև խորհրդահալ արվեստաբանական մամուլի պատմության մեջ:

«Խելով ներա-Արվեստ» հանդեսի լույս ընծայումից մեկ տարի անց՝ 1927 թ. Թիֆլիսի Հայարտունը (Հայ արվեստի տուն) հիմնադրում է «Լուսաբաց» գրական-գեղարվեստական տարեգիրքը¹³, նրա տպագրությունը շարունակվել է մինչև 1931 թ. և լույս է տեսել ընդամենը 6 համար¹⁴:

Գրական ստեղծագործություններից բացի, «Լուսաբացը» լայն տեղ է հատկացրել նաև արվեստի խնդիրներին: Հանդեսն ուներ «Նկարչական» և «Երաժշտական» բաժինները: Առաջինում գետնի վրա էին Մ. Սարյանի, Գ. Շարբաբյանի, Գ. Գրիգորյանի (Ջիտտո), Ռ. Լոռիս-Մելիքյանի, Մ. Մարդարյանի, Հովհ. Կարալյանի, Գ. Գյուրջյանի, Ու. Քոչարյանի, Ս. Թարյանի, Տարագրոսի գեղանկարներն ու գրաֆիկական գործերը, իսկ երկրորդում՝ Ա. Տիգրանյանի, Վ. Տալանի, Կ. Զաքարյանի, Ա. Մանուկյանի և ուրիշների նոտագրված երգերը: Այդ ամենը տարեգրքի խմբելը պատարել է նվիրում մով ու մեծ քծախնդրությամբ, հեղինակների ստեղծագործություններն ընտրվել են խնամքով, որոնք միտում ունեն տալու Վրաստանի գրական-մշակութային կյանքի այն ժամանակվա ցիարժեք պատկերը: Հանդեսի գրեթե բոլոր համարների ձևավորումը ևս կատարված է ճաշակով ու վալյուր, վերատպությունները՝ որակով: «Լուսաբացը» ևս իր որոշակի դերն է պատարել Վրաստանի խորհրդահալ արվեստի զարգացման գործում:

Արվեստի խնդիրներին նվիրված բազմաթիվ նյութեր են պարունակում ժամանակին երկրամասային ու հանրապետական թերթերին առընթեր լույս ընծայվող շաբաթական ու միամսյա հավելվածները: Վրաստանում այդպիսի հրատարակություն էր Ռկ(բ)Կ Անդերկրկումի օրգան «Մարտակոչ» օրաթերթի «Մարտակոչ» (1923—1927) շաբաթական հավելվածը: Դրան հաջորդում են ՎԿ (բ)Կ Կենտկոմի օրգան «Պրոլետար» (թերթի «Արվեստ, Գրականություն, Գիտություն» (1928—1929), «Գրական շաբաթ» (1929—1930), «Գրական արշավ» (1930—1931) հավելվածները:

Դրանց մեջ իր բնույթով, որպես արվեստագիտական պարբերական, առանձնանում է «Արվեստ, Գրականություն, Գիտություն» հանդեսը¹⁵: Ինչպես վկայում է հավելվածի վերնագիրը, նրա հիմնական խնդիրն էր՝ հնարավորություն տալ արվեստի, գրականության ու գիտության գործիչներին՝ հանդես գալու նրա էջերում, դրանով իսկ նպաստելով մշակույթի նշված ճյուղերի զարգացմանը: Հիշյալ հավելվածի նպատակն էր գեղարվեստական խոսքի միջոցով մասսայականացնել հանրապետության և ամբողջ Միության ժողովրդական տնտեսության սոցիալիստական վերակառուցման ընթացքն ու

13 «Լուսաբացը» սկզբում եղել է Վրաստանի գրողների միության, իսկ 1929 թ. 3-րդ համարից՝ Վրաստանի խորհրդային գրողների ֆեդերացիայի հայկական սեկցիայի գրական-գեղարվեստական ժողովածուն: Խմբագիրը չի նշված, սակայն Ռուբեն Զարյանի վկայությամբ (տե՛ս Ռ. Զարյան, Հուշապատում, գիրք 1, Երևան, 1975, էջ 53) նրա խմբագիրը եղել է Արշավիր Մելիքյանը: Մովալը 176—200 էջ է, չափսը՝ 26×17 սմ, տպաքանակը՝ 1.000: Վրացահալ ճանաչված գրող Մերոն Թորգոմյանը իր «Հուշեր» գրքում (Երևան, 1962, էջ 50) նշում է, որ ինքը և Նար-Դոսը ընտրված են եղել ՎԳՄ հայկական սեկցիայի օրգան «Լուսաբաց» հանդեսի խմբելու կազմում, և որ Նար-Դոսը «Վերջին մոհիկանը» պատմվածքը գրել է հենց այդ հանդեսի համար:

14 Արտաշես Մխիթարյանը «Վրաստանի սովետահայ գրականությունը» (Երևան, 1966, էջ 39) գրքում հավաստում է, որ «Լուսաբացն» ունեցել է ընդամենը 5 համար, որն, իհարկե, ճիշտ չէ:

15 «Արվեստ, Գրականություն, Գիտություն» լույս էր տեսնում շաբաթը մեկ անգամ, միշտ կիրակի օրերը: Խմբագիրը չի նշված: Մովալը՝ 8 էջ, չափսը՝ 31×24 սմ, տպաքանակը՝ 5.500—9.000:

նվաճումները, ընթերցողներին ծանոթացնել մշակույթի բնագավառի ձեռք-բերումների հետ:

«Արվեստ, Գրականություն, Գիտություն» վերահիշյալ խնդիրների հետ լայնորեն քննարկել է արվեստի հիմնահարցերը, իր էջերում մեծ տեղ հատկացրել գեղագիտության հարցերի արծարծմանը: Հավելվածի անդրանիկ համարը լույս է տեսել 1928 թ. հունվարի 1-ին, իսկ վերջին՝ 67-րդ համարը՝ 1929 թ. ապրիլի 28-ին: Շուրջ մեկուկես տարվա գոյության ընթացքում հանդեսը տպագրել է Կ. Մարքսի աշխատություններից մի քանիսը, որոնց թվում՝ «Գեղարվեստի մասին», «Ֆոյերբախի մասին» երկերը:

Այս պարբերականն իր էջերում զետեղել է անդրկովկասյան հանրապետությունների ճարտարապետության, քանդակագործության, երաժշտության, ժողովրդական երգերի, նկարչության ու թատերական արվեստի խնդիրներին նվիրված ուղվածներ, ուսումնասիրություններ, առանձին երգերի նոտագրված տեքստեր, գեղանկարչական ու գրաֆիկական գործեր և այլն: Նրա էջերում կարելի է հանդիպել նաև երկրի մշակութային կյանքի այլևայլ բնագավառների մասին թղթակցությունների, կինոյի, թատրոնի, կերպարվեստի, երաժշտության ու գրականության վերաբերյալ հետաքրքիր նյութերի: Հիմնականում այսպիսի բովանդակություն ունի «Պրոլետար» օրաթերթի «Արվեստ, Գրականություն, Գիտություն» հավելվածի արվեստագիտության բաժինը:

Այստեղ հարկ ենք համարում նշել, որ Գ. Լևոնյանը իր «Հայոց պարբերական մամուլը» մատենագիտության մեջ նշում է, որ իբրև 1928 թ. Թիֆլիսում լույս է տեսել «Պրոլետար» թերթի «Արվեստ (Գրականություն)» հավելվածը, որը 15-րդ համարից կոչվել է «Գրական շաբաթ»¹⁶: Սակայն այդ հավելվածը գտնելու նպատակով մեր որոնումները արդյունք չտվեցին: Այդպիսի վերնագրով հավելված, մեր կարծիքով, «Պրոլետար» թերթը չի ունեցել: Դա պարզապես վրիպում է. անվանի գիտնականը «Արվեստ, Գրականություն, Գիտություն» հավելվածը ներկայացրել է երկու անգամ, իրար հետևից, տարբեր վերնագրերով¹⁷: Կամ Գ. Լևոնյանի սկայակոչած «Արվեստը» մեզ անծանոթ մի այլ պարբերական է՝ հրատարակված Թիֆլիսում: Սակայն փաստ է, որ նրա գոյության մասին չի հիշատակված Գ. Լևոնյանի գրքից հետո հրատարակված հայոց պարբերական մամուլին նվիրված և ոչ մի մատենագիտության մեջ¹⁸:

Սկսած 1931 թ. վեսերից վերահիշյալ հավելվածներին փոխարինելու են գալիս «Պրոլետար» (1931—1932), «Գրոհ» (1932—1933) և «Բարձունքներ» (1934) ամսագրերը, որոնք հրատարակում էր դարձյալ հանրապետական «Պրոլետար» օրաթերթը: Այդ հանդեսների նյութերի վերլուծությունը ցույց է տալիս, որ արվեստի զարգացման խնդիրները մշտապես գտնվել են դրանց ուղադրության կենտրոնում: Արվեստի հարցերը լայնորեն քննարկվել են նաև 1920-ական թվականներին Թիֆլիսում հրատարակվող «Դարբնոց» (1922—1923), «Կարմիր ծիլեր» (1923—1941), «Դիրքերում» (1924), «Զարթոնք» (1926) հանդեսների ու մյուս պարբերականների էջերում:

1930-ական թվականներին, երբ Հայաստանում արդեն կային արվեստագիտական հանդեսներ («Խորհրդային արվեստ», «Արվեստի ֆրոնտում» և

¹⁶ Հայոց պարբերական մամուլը. լիակատար ցուցակ հայ լրագրության սկզբից մինչև մեր օրերը (1794—1934), առաջաբանով, ներածությամբ, ծանոթագրություններով, կազմեց Գ. Լևոնյանը, Երևան, 1934, էջ 142, № 1307:

¹⁷ Նույն տեղում, էջ 142, տե՛ս 1307 և 1308 համարների տակ:

¹⁸ Հայոց պարբերական մամուլի բիբլիոգրաֆիա. առաջաբանով և ծանոթագրություններով, երեք հատորով, կազմեց Հովհ. Պետրոսյանը, Երևան, 1954—1957: Հայ պարբերական մամուլի մատենագիտություն (1794—1967). համահավաք ցանկ, կազմեց Ա. Կիրակոսյանը, խմբագրությունը և առաջաբանը՝ Հ. Կոստանյանի և Հ. Սիվանյանի, Երևան, 1970, Հայ պարբերական մամուլը. մատենագիտական համահավաք ցուցակ (1794—1980), կազմեց Մ. Ա. Բարլոյանը, Երևան, 1986:

այլն), Վրաստանի հայ մամուլը իր էջերում դարձյալ մեծ տեղ էր հատկացնում արվեստի հարցերին: Գեղարդիտության խնդիրներին նվիրված նյութեր էին տպագրվում «Արշավ» (1932—1941), «Հոկտեմբերյան սերունդ» (1939—1941), «Գրական հանդես» (1941) ամսագրերի ու «Պրոլետար», «Խորհրդային Վրաստան» թերթերի էջերում:

Այսպիսի ուղի է անցել Վրաստանի Խորհրդահայ արվեստագիտական մամուլը: Այն իր շուրջն է համախմբել տեղի նշանավոր արվեստագետներին ու արվեստի խնդիրներով զբաղվող մյուս մտավորականներին, անավերել նրանց ուժերը և իր նպատար բերել հայ նորագույն արվեստի զարգացման գործին:

АРМЯНСКАЯ ИСКУССТВОВЕДЧЕСКАЯ ПЕЧАТЬ В ГРУЗИИ (1921—1941)

В. С. МАГАЛЯН

Р е з ю м е

В истории армянской периодической печати в Грузии свое достойное место занимают те издания, которые почти полностью были посвящены вопросам искусствоведения. Первым искусствоведческим изданием, основанным в Грузии на заре Советской власти, был последний, седьмой номер знаменитого журнала Г. Левоняна «Гехарвест» («Искусство», 1908—1921 гг.). Выход в свет последнего номера «Гсхарвеста» зародил идею о создании специального армянского искусствоведческого издания.

Немногим позже, в феврале 1926 г., выходит в свет первый и единственный номер журнала «Хеловнеба-Арвест» («Искусство») на армянском языке, который следует считать первым армянским советским изданием по вопросам искусствоведения в Закавказье.

Вопросам искусства уделялось много места в еженедельных и ежемесячных приложениях краевых и республиканских газет «Мартакоч» и «Пролетар», в журналах «Кармир цилер» («Красные ростки», 1923—1941 гг.), «Лусабац» («Рассвет», 1927—1931 гг.), «Аршав» («Натиск», 1932—1941 гг.) и др.